

# UUT'T OLDE VODDEN

Ai destieds vanuut'thart darp  
De weg nò Hengel op zol gòan  
Zag ie vòlle soorten huuze  
Somgen zòlt ter noe nog stòan.  
Vanaf de hoék bie j Looman  
Dan al gaw an oew rechterhand  
Wonen door dan Derk Wiejers  
tHuus ston op vrie-goeje stand.  
Hoé of hi dan ok wezen moch  
Wat mien van um opviel  
Hee was netjes in de klere  
Ie zag un neet in'nblauwe kiel.  
Wi'j zeiën tegen um: „Meneer!”  
(Wiejersname hadn goeje klank)  
Hee ston volges ons ok hoger  
Want hé had an huus een Bank!  
kGeleuf'n agentschap N.M.B.  
Watte met zon banke deed?  
tHeurn daj door geld op dee  
Moor dat hadn de meesten neet!

Iets wieter an de òverkante  
Door zat toé een schoé-maker  
Dee h**h**l onze schoéne heel  
Moor klompe droege wiele vaker.  
Dat was Hassink; hee was dikke!  
Met hitte hadde doo van las  
kHeb meermòdle vrògger eheurd  
Datte doorover an't klagen was,  
tIs mien altijd bie j ebleven  
Toew bie um as mossen wachten  
Hew un keer eheurd en ezeen  
Hoe of hee heit weer ve-achten!  
Almoor zeïë: „Foj wat'n hette!”  
Tewiele natter was as'n dreg,  
Wi'j snotblagen onder mekare  
Hebt um dat nog vake nò ezeg!

Zn buur op de hoek van 'tHooge  
Dat was Mellink de timmerman,  
De Mellinks, gezeten bõrgers,

Door waaren dr toé drie van  
Ze wonen neet wied van mekare,  
tHad op de buurte wel effect!  
Den tweeden dan was winkelier  
Den derden opzichter-architect.  
Van de timmerman wèt ik nog,  
Waj van timmerluu vake heurt,  
Toe hee een keer hóge klom  
Is ter een ongeluk gebeurd.  
Ze heb um nò 'tzeekenhuus  
ebrach,  
Toe de mense dat hadn  
venommen  
Waarn ze slim met um begoòn!  
Later isse toch weer ekommen.

Dan Gosselink de vrachriejer  
nBoerachtug huus en neet klein,  
En òver de brugge drek links  
De koosjesslachter „Mein”.  
Zien jonges waarn Amon en Fiep  
Zo zow ze althans neumen,  
kVon dee jonges wat astrant  
Soms hoas neet in te teumen:  
zHeb mien'kzal'tnoot vegetten  
Een keer in de bekke esmetten!  
Tegenòver dèn Mein was Albers  
nLeerloojerieje, heel neet min,  
En toe ik zon jungeske was  
Kwam Vogtländer door bie j in.  
De Albersen dee waren  
Door ok dree-dubbel present  
Want wie j hebt indertied  
Der door nòg twee ekend,  
Den eenen dee in schoéne  
Den andren was kruudenier  
Zowiet ik wat waarn't breurs  
Ze zatten kot op mekare hier!  
De winkeliersvrouw: „Tante  
Cato”  
Was een vlotte werkzame moo.

An de andere kante van de weg  
Zat ok Bennink de kleermaker,  
Een van zn kinder heitte Griet  
Dee name heur ie j wel vaker  
Bezunder was dat dus niet,  
Grietje was van mienen older  
kNeum hier met plezier ut **fet**  
Wi'j zatten in dezelfde klasse  
kVon eur as kind 'n leuke meid!  
Jan Wiejers met zn winkelkarre  
Was door dan weer kot an,  
Hee had weln flinke winkel  
nBetjen boern hiele ok van.

Tegenòver dee leste huuze  
tGrote huus van dokter Thien,  
tWas'n soms wondre veedokter  
Moor hi was hier wel "gezien".  
Zien vrouw hek neet zo ekend,  
Eur neumn ze vas wel "juffrouw"  
Tegen andre burger-vrouwluu  
Zeiën ze hier altied "vrouw".

Wieteròp um de boch, Kieskamp  
En vrògger ok al Bielderman.

Van alle mense (toch gin ramp?)  
Neumen wi'j dr moor enkle van,  
Café Uenk en winkelier Bollen  
Waar door int begin nog neet  
Moor kwam'n dee tied en zollen  
nSpul overnem'n zo't vake gaat,  
Toch, ok Oonk en Hengeveld  
Heurt wel effen hier vemeld,  
Rest: de Whene; veur ons heil  
Huúsde door doomnee Hogerzeil  
Later Helders en Rijnierse ok,  
De Wehme had wel iets dat trok,  
Moor't olde huús, was wat barok!